

华阴县志

第一
函
九
册

華陰縣志卷八

人物 隋系

文帝堅漢大尉震之後父忠仕周位柱國大將軍大司空封隋國公帝襲爵進爲王尋受周禪遂建號曰隋以隋從是周齊奔走不寧故去是作隋詳傳

按隋書帝紀帝宏農郡華陰人明馬朴同州志登載蓋以其生於馮翊而紀也近時吳人陳景雲撰紀元要略直以爲武川人又本於本紀中有六世祖元壽爲武川鎮司馬子孫因家焉之語而言均未之確也仍以華陰爲正

煬帝廣文帝次子也詳傳

恭帝侑元德太子之子也性聰敏有氣度大業三年立爲陳王
徙代王拜太原太守煬帝幸江都留鎮京師唐師入長安尊

華陽縣志
煬帝爲太上皇奉篡隋業改元義寧明年遜位於唐唐以爲
鄴國公武德二年崩時年十五

房陵王勇文帝長子也詳傳

長寧王儼勇長子也雲昭訓生誕乳之初以報文帝文帝曰此
卽皇太孫何乃生不得地雲定興奏曰天生龍種所以因雲
而出時人以爲敏對六歲封長甯郡王勇敗亦坐廢黜上表
乞宿衛辭情哀切文帝覽而憫然楊素進曰伏願聖心同於
螫手不宜復留意煬帝踐極儼常從行卒於道實鳩之也諸
弟分徙嶺外仍敕在所皆殺焉

隋書

平原王裕勇士坐黜

安成王筠勇士坐黜

安平王嶷勇士坐黜

襄成王恪勇士坐黜

高陽王該勇士坐黜

建安王詔勇士坐黜

潁川王暕勇士坐黜

秦孝王俊文帝第三子也詳傳

秦王浩俊嫡子妃崔氏所生也妃以毒王之故賜死羣臣議曰

春秋之義母以子貴子以母貴貴既如此罪則可知故漢時

栗姬有罪其子便廢郭后被廢其子斯黜大旣然矣小亦宜

同今秦王二子母皆罪廢不合承嗣於是以秦國官爲喪主
煬帝卽位立浩爲秦王以奉孝王嗣後爲河陽都尉楊元感
作逆之際左翊衛大將軍宇文述勒兵討之至河陽修啟於
浩浩復詣述營兵相往復有司劾浩以諸侯交通內臣坐廢
免宇文化及弑逆之始立浩爲帝化及敗於黎陽北走魏縣
自僭僞號因而害之

濟北侯湛俊庶子大業初封濟北侯湛驍果有膽烈爲滎陽太
守坐浩免亦爲宇文化及所害

越王秀文帝第四子也詳傳

漢王諒文帝第五子也詳傳

元德太子昭煬帝長子也詳傳

燕王倓元德太子次子大劉良娣生字仁安敏慧美姿儀煬帝於諸孫中特所鍾愛常置左右性好讀書尤重儒素非造次所及有若成人良娣早終每至忌日未嘗不流涕嗚咽帝由是益奇之字文化及弑逆之際倓覺變欲入奏恐露其事因與梁公蕭鉅千牛宇文晶等穿芳林門側水竇而入至元武門跪奏曰臣卒中惡命縣俄頃請得面辭死無所恨冀以見帝爲司宮者所遏竟不得聞俄而難作爲賊所害時年十六

隋書

越王侗元德太子第三子詳傳

齊王暕煬帝次子詳傳

趙王杲煬帝第三子蕭嬪所生小字季子年七歲以大業九年封趙王尋授光祿大夫拜河南尹從幸淮南詔行江都太守事杲聰令美容儀帝有所製詞賦杲多能誦之性至孝常見帝風動不進膳杲亦終日不食又蕭后當灸杲先請試炷后不許之杲泣請曰后所服藥皆蒙嘗之今灸願聽嘗炷悲咽不已后爲停灸由是尤鍾愛之後遇化及反杲在帝側號痛不已裴虔通使賊斬之血湔御服時年十二

隋書

楊瓚字恆生文帝母弟也詳傳

楊綸瓚子字斌籀性宏厚美姿容頗解鐘律文帝受禪封邵國

公明年拜邵州刺史晉王廣納妃於梁詔綸致禮甚爲梁人所敬綸以穆王故當文帝世每不自安煬帝卽位尤被猜忌綸憂懼不知所爲呼術者王琛

一作姿

問之琛答曰王相祿不

凡滕卽騰也此字足爲善應有沙門惠恩嘯多等頗解占候綸每與交通常令此三人爲度星法有人告綸怨望呪詛帝命黃門侍郎王宏窮治之宏希旨奏綸厭蠱惡逆坐當死帝令公卿議其事司徒楊素等曰綸希冀國災以爲身幸原其性惡之由積自家世惟皇運之始四海同心在於孔懷彌須叶力其先乃離阻大謀棄同卽異父悖於前子逆於後非直覬覦朝廷便是圖危社稷爲惡有狀其罪莫大刑茲無赦抑

有舊章請依前律帝以公族不忍除名爲民徙始安諸弟散徙邊郡大業七年親征遼東綸欲上表請從軍自效爲郡司所遏未幾復徙朱崖及天下大亂爲賊林仕宏所逼攜妻子竄於儋耳後歸大唐爲懷化縣公病卒

楊坦瓚次子字文籀初封竟陵郡公坐兄綸徙長沙

楊猛瓚第三子字武籀坐兄綸徙衡山

楊溫瓚第四子字明籀坐兄綸初徙零陵溫好學解屬文作零陵賦以自寄其辭哀思煬帝見而怒之轉徙南海

楊詵瓚第五子字宏籀前坐兄綸亦徙零陵煬帝以其修謹襲封滕王以奉穆王嗣大業末於江都遇害

楊靜字賢籀瓚第六子出繼叔父嵩襲封道王

楊嵩文帝異母弟也在周以父忠軍功賜爵興城公早卒文帝受禪追封道王諡曰宣以滕王瓚子靜襲無子以蔡王智積子世澄襲

楊爽字師仁文帝異母弟也詳傳

楊集爽子字文會初封遂安王尋襲衛王煬帝時諸侯王恩禮漸薄猜防日甚集憂懼不知所爲乃呼術者俞普明章醮以祈福助有人告集呪詛憲司希旨鍛成其獄奏集惡逆坐當死天子下公卿議其事楊素等曰集密懷左道厭蠱君親公然呪詛無慚幽顯情滅人理事悖先朝是君父之罪人非臣

子之所赦請論如律時滕王綸坐與相連帝不忍加誅乃下詔曰綸集以附萼之華猶子之重縻之好爵匪由德進正應與國升降休戚是同乃包藏妖禍誕縱邪僻在三之義愛敬俱淪急難之情孔懷頓滅公卿議既如此覽以潛然雖復王法無私恩從義斷但法隱公族禮有親親致之極辟情所未忍於是除名爲民遠徙邊郡遇天下亂不知所終

楊智積文帝弟整之子也襲蔡王從駕江都以疾終詳傳

楊智明整子封高陽郡公煬帝時以交游奪爵

楊智才整子封開封縣公

楊宏字辟惡文帝從祖弟也祖愛敬早卒父元孫少孤隨母郭

氏養於舅族及文帝考忠與周太祖建義關中元係時在鄴
下懼爲齊人所誅因假外家姓爲郭氏元孫死齊爲周滅宏
始入關與文帝相得帝哀之爲買田宅宏性明悟有文武幹
略數從征伐累遷開府儀同三司文帝爲丞相常置左右委
以心腹文帝詣周趙王宅將及於難宏時立於戶外以衛文
帝尋加上開府賜爵永康縣公及受禪拜大將軍進爵郡公
尋贈其父爲柱國尚書令河南郡公其年立宏爲河間王拜
右衛大將軍歲餘尋進柱國以行軍元帥率衆數萬出靈州
征突厥大破之拜寧州總管進上柱國宏在州治尙清靜甚
有恩惠遷蒲州刺史得以便宜從事時河東多盜賊宏奏爲

盜者百餘人投之邊裔州境帖然號爲良吏每晉王廣入朝
宏輒領揚州總管及王歸藩宏復還蒲州在官十餘年風教
大洽煬帝嗣位徵還拜太子太保歲餘薨大業六年追封郇
王子慶嗣

楊慶宏子詳傳

楊處綱鍾葵子文帝族父也生長北邊少習騎射在周嘗以軍
功拜上儀同文帝受禪贈鍾葵柱國尙書令義城縣公以處
綱襲焉累遷右領軍將軍處綱雖無才藝而性質直在官強
濟亦爲當時所稱尋拜蒲州刺史吏民悅之進位大將軍後
遷尋州總管卒官謚曰恭

楊君摻處綱子元珙之子陳州刺史

楊誨處綱子元約之子度支員外郎

楊處樂鍾葵子官至雒州刺史漢王諒之反也朝廷以爲有二
心廢錮不齒

楊子崇益生子文帝族弟

大唐創業
起居注

崇卽後主從弟也頗有學

識性理帝甚惜之崇性怯而無謨故及於難餘詳傳

人物

徵薦

漢

楊震字伯起安帝時舉茂才詳傳崇祀鄉賢

劉寬字文饒桓帝時以大將軍辟詳傳崇祀鄉賢

楊秉震子字叔卿順帝時應司空辟詳傳崇祀鄉賢

楊賜秉子字伯獻少受歐陽尚書業於桓焉舉司空高第詳傳
崇祀鄉賢

楊彪賜子字文光舉孝廉茂才皆不應熹平中以博習舊聞徵
詳傳崇祀鄉賢

楊修彪子字德祖建安中舉孝廉詳傳崇祀鄉賢

元魏

劉善隆子北魏太安中舉秀才拜中書博士後至宏農郡守北
魏州刺史

楊鈞恩子博學強識舉秀才拜大理平轉廷尉正累遷歷洛陽

令左中郎將軍華州大中正河南尹廷尉卿安北將軍七兵
尚書北道大行臺恆州刺史懷朔鎮將軍卒於鎮贈侍中司
空公追封臨貞縣伯諡曰恭

唐書宰相
世系表

鈞恆州刺史越國公

明

高貴洪武初舉公清人材科任

知州

劉公濟洪武初舉公清人材科任

主簿

曹魯字希曾洪武初舉公清人材科歷任南康歸化知縣臨江
府經歷司轉永城知縣

國朝

王宏撰字無異明少司馬之良第五子詳傳崇祀鄉賢

人物 進士科

隋

楊纂文偉子字續卿大業時第進士爲朔方郡司法書佐坐元

威近屬廢居蒲城唐高祖渡河上謁長春宮遷累侍御史數

上書言事稱旨除考功郎中貞觀初爲長安令賜爵長安縣

男

唐書宰相世系表爲長平公

有告女子袁妖逆者纂按之情不得袁敗

太宗惡其不忠將殺之中書令溫彥博以過誤當宥乃免後

爲吏部侍郎有俗才抑文雅進黠吏度時舞數以自進終吏

部尚書贈幽州都督諡曰恭

唐書

唐